

RIJEČ UREDNICE



Ja se baš trudim da se držim što je moguće dalje od dnevne politike (a i političara moram priznati), ali to nekada naprosto nije moguće. Naime, uvijek sam mislila da je sve do miliona business, a sve preko miliona NUŽNO politika, tako da hoćeš-nećeš moraš nekad zagaziti i u tu močvaru (ne moram spominjati da u njoj ima puno akrepa, prikrivenog živog blata, predatora iz zasjede itd, itd... Ljepota jedna, šta da vam kažem...). Svakom razumnom je jasno da se nešto VELIKO iza brda valja i da to nešto sigurno nije ništa ni lijepo ni lako - globalna recesija je neizbježna, a sa njom sve njene vjerovatno zastrašujuće posljedice. A ne vidim da se ovi naši sekiraju - gospodin Dodik od briga, čini mi se, nabacio koju kilicu, gospodinu Brankoviću - srećom po njega - sujeta to ne dozvoljava, ali mu se na licu vidi da je "nasekiran", a Šefa Vijeća ministara gospodina Špirića, svakako niko ne i zarezuje, pa što bi se čovjek sekirao... Ali zato uredno traje rafalna medijska paljba čiji je cilj pokazati da poslije gospodina NJEGA dolazi POTOP, da samo gospodin ON ima recept kako da ovaj ekonomski cunami, koji prijeti da uruši svjetski najjače ekonomije, mi u BiH iskoristimo za surfanje... Ako vam ovo zvuči nevjerovatno, to je zato što i JESTE nevjerovatno!? Čak nema ni pokušaja da se napravi državna strategija za borbu protiv krize koja NEMINOVNO dolazi - s malom vremenskom zadržkom doduše - ali dolazi. Razlog? Njegovo Prokletstvo bosanske historije -

PANEVROPSKI APEIRON UNIVERZITET
KNJIGA BROJ VUENLOH ID=489
08/18

Poslije
gospodina
MENE - potop
(Ili zašto je čibuk
važan dio bosanske
historije...)

PAN-EVROPSKI UNIVERZITET
"APEIRON" BANJA LUKA
Broj: 5002/08 /
Datum: 13. 12. '08. godine

gospodin čibuk i /ili njegovi derivati... Naime, kada je Husein kapetan Gradašević poveo Bosance, a i Hercegovce u borbu za autonomiju Bosne kao prve stepenice osamostaljenja od Otomanske imperije, na Divanu (savjetovanju) bosanskih prvaka u Travniku (u konaku netom protjeranog bosanskog vezira) iskupili su se svi bosanski prvaci (da ne spominjem da ih je bilo svih vjera i nacija). Pustivši da ga svi podugu čekaju, Husein kapetan Gradašević se ulazeći spotakao na čibuk Ali paše Rizvanbegovića (inače svog glavnog takmaca za lidersku poziciju) i polomio ga. Nikad se, naravno, neće saznati da li je to uradio slučajno ili namjerno (znajući nas -u uvijek bih se kladila na ovo drugo), ali se zna da mu ovaj to nikad nije oprostio i neki kažu, samo zbog toga, okrenuo svoj dio vojske na tursku stranu u odsudnoj bitci u kojoj je san o ponovnom uspostavljanju bosanske državnosti vraćen u stanje hibernacije. Husein kapetan je završio u istanbulskim tamnicama, a Ali paša Rizvanbegović je samo kratko uživao u posljedicama svog postupka - brzo nakon toga i on pada u nemilost ... Zato zdušno podržavam borbu protiv pušenja, jer kako sada stvari stoje - bojim se da nam opet neki čibuk ne dohaka... **B**

Aida Delić
Glavna i odgovorna urednica